

جَزَائِرَ حَاكِمِ

جمعه ایرتسی

نومرو	رمضان	سنه	كانون نای	سنه	صحیفه
۹۶۵	۲۱	۱۳۱۵	۳۱	۱۳۱۳	۱۳۷۵۷

(اشبو غزته هر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیه التمش فروشدر . طشره لر ایچون اون بش فروش پوسته اجرتی ضم اولنور . هر)
 (نسخه سی ینه مجیدیه یکر می فروش اولوق اوزره یوزپاره یه هر یرده صلیور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظاری)
 (دأره سنده کأن جریده محاکم اداره سنه مراجعت ایلیلدر)

قسمت رسمی

(۵ رمضان سنه ۱۳۱۵ و ۱۵ كانون نای سنه ۱۳۱۳)
 (تاریخیه عموم و لایات استیناف مدعی)
 (عمومیه لکرینه یازیلان تحریرات عمومیه)
 (صورتیدر)

مقاولات محرر لکرنجه بیع و فراغ تقریرلری
 بالاستماع بوبابده بایع ایله مشتری بیننده تنظیم
 و تعاطی اولنان سندات قید و تصدیق ایلمکده
 اولوب حالبوکه سند خاقانینسر املاک و اراضی
 تصرفی نظاماً ممنوع اولدینی کبی بیع و فراغه
 دأر شخصین بیننده تنظیم و تعاطی اولنان سندات
 عادیه نک نظر قانونده معتبر اوله مامسیله اومقوله
 سنداتک مقاولات محررلری طرفندن تصدیقبیله
 اکتساب رسمیت ایلمسی بالآخره خزینه
 واهالینک ضیاع حقوقی استلزام ایتمکله برابر
 بجز وسائر کونه ایلیشکدن طولای فراغی جائز

اوله میان برطاقم املاک و اراضینک دخی پد آخره
کچرک حاجر و داینلرک ضرر و زیاننه سببیت
و بریله جکندن و بوندن بشقه املاک و اراضی به
دائر تحدت ایدن دعاویده اکثر محاکم طرفندن
سندات خاقانیه ارانلمیوب استماع شهود ایله حکم
ویرلمکده اولمسیله بوصورته قیود تصرفیه جه
تشویشاته بادی اولمقده بولدیغندن بختله ایضای
مقتضای دفتر خاقانی نظارت حلیله سندن باتذکره
اشعار اولمش و املاک و اراضی تصرفانه متعلق
معاملات مأمورین مخصوصه سنه عائد بولمش اولمسنه
کوره بعدما او مقوله سندات عادیه نک تصدیقندن
اجتناب اولنمسی لزوم نک مقاولات محرر لرینه
بلیغیه برابر بومثللو تصرف دعوالرنده سندات
خاقانیه ارانلمامسی قیود تصرفیه جه تشویشاته
بادی اولمقده بولمسنه نظراً اصول و قانون دائره سنده
ایضای معامله اولنمسی ضمننده اشبو تحریراتک
نسخ مطبوعه کافیه سی لفا تسیر قلندی .

قسم غیر رسمی

(فنارده ساکن معارف نظارت حلیله سی)
(مطبعه لر مفتشی اورام واپوردی اقدی ایله)
(فنارده عبدی صوباشی محله سنده مقیم قصاب)
(اصنافندن واسیل ولد دیمتری بیننده متکون)
(دعاویه دائر در سعادت بدایت محکمه سی برنجی)
(حقوق دائره سندن ۱۹ نیسان سنه ۳۱۳۳ تاریخی)
(و یوز قرق بش عددی ایله ویریلان اعلامدن)
مابعد

مدعی طرفندن درمیان قلمقده ایسه ده بونک
دخی اساس اولماقده طرفندن انکار ایدلدیکی
حالده محکمه جه بوجهت مدعی به اثبات ایتدیر-
لمکسزین حکم ایدلمش اولمسی یولسز و مفایر
قانون اولدیغندن بختله اعلامک تقضی و مدعی
علیه واسیلک لایحه سنده مندرج نتیجه اجوبه سی
ایسه اعتراضات مسرووده نک واهی و بی اساس
اولدینی بیانیله ردی و موافق اصول و قانون

اولان اعلامک تصدیق طلبندن عبارت
بولمشدر .

ایجابی مذاکره اولندقده اعلام مذکور
مطالعہ سندن منقهم اولدینی اوزره مدعی علیهمک
دفع دعواسی بوجهت محرر عین ایله حل اولنهرق
برطرف اولمش ایسه ده مدعی نک جهت حقنده کی
ادعای یعنی مبلغ مدعیهمک مستدعی تمیز طرفندن
یور کیدن حواله تدین و قبول ایتمش اولدینی مدعی
علیهکم انکاری تحتنده اولدیغندن طولانی اصولی
دائره سنده بونک مدعی به اثبات ایتدیرلمسی لازم
ایکن محکمه جه مدعیدن ویرولده بینه ارانلمقسزین
حکم اولنمسی یولسز و مفایر قانون اولدیغنه
و مستدعینک اعتراضی دخی بوجهت متدائر اولهرق
شایان قبول بولدیغنه بناءً اصول محاکمه حقوقیه
قانوننک ایکوز اوتوز ایکنجی ماده سی موجبجه
اعلام مذکورک تقضیه قانون مزبورک ایکوز
قرق دردنچی ماده سی حکمنه توفیقاً کیفیتک صور
محرره وجهله اعلامه ربطی ضمننده محکمه
مذکوره به اعاده سنه وزیرده مفرداتی مرقم بوز
طقسان سکر بیق غروش مصارف تمیزیته نک
ایروده حقسز چقه حق طرفه رجوع ایتک
اوزره اول امرده مستدعی مومی الیهدن لیمسنه

قونیته نک فقیه دده محله سنده مقیمه لیمونچی
طوپال مصطفی زوجیه سی امینه و کریمه سی صدیق
خانملر ایله محله مذکوره ده مقیم سمرجی ابراهیم
اوسته بیننده متکون دعاویه دائر قونیته بدایت
محکمه سندن ۲۶ کانون اول سنه ۳۱۱ تاریخی
ویوز اون بر عددی ایله ویریلان اعلام مومی
الیهما امینه و صدیق خانملر طرفندن تمیز ایدلمکله
اعلام مذکور مستدعیه لک اعتراض لایحه لرله
بالمطالعہ تدقیقات تمیزی به اجرا سنه ایتدار اولندی .

اعلام مذکورک خلاصه مالی مزبور
ابراهیم اوسته ایله امینه و صدیق خانملر بیننده
متحدت مرور زمان دعواسی حقنده بدایه

ایدیلرک موافقت نامه حاصل اولغله ذکر اولنان
صلحک فسخی موجب میدانده برسبب بولنامسینه
بناءً دعوی حاضر ملک ردیله بر موجب صلح
مذکور طریقده مدعی علیهک بلامانع حق
استعمال و تصرفک تصدیقه حکمدن مستدعیه
لرک لایحه لرنده محرر اشبو حکم علیهنده کی
اعتراضاتک باشلوجه سی محل منازع فیهک قبرستان
محلی اوله رق متولی و سائر ملک صانه بیله جکی
محلردن اولماسی جهتیه بوباده کی صلحک
بطالانی ظاهر ایکن محکمه جه بوجهتک نظر دفته
التمامی مفایر قانون اولدیغندن بمثلله اعلامک
نقضی استدعاسندن عبارتدر .

ایجابی مذاکره اولندوقده اعلام مذکور
مندرجاندن منقهم اولدیقه کوره منازع فیه
طریق خاص حقنده طرفین بیننده وقوعبولان
عقد صلحک معتبر اولدینی و فسخی موجب
میدانده برشی اولدینی بیانیه مستدعیلرک رد
استدعاسنه قرار ویرلش ايسه ده مجلهک بیک
ایکیوز یکر می اوچنجی ماده سی موجبجه بومقوله
طریقک بیع و شرایی و سائر صورتله تصرفی
غیر جائز اولسنه نظراً بوصورتله وقوعبولان
صلحک معتبر اولماسی لازم کلور ایکن محکمه

ویریلان اعلامک قونی استیناف محکمه سنجه
فسخ اولنسی اوزرینه یتیلرنده جریان ایدن
صلحک شرائطی ایضا اولمدیغندن بمثلله صلح
مذکورک کا ن لم یکن عدیله یکیدن محاکمه لرینک
اجراسی مزبور تان امینه و صدیقه خاتلر طرفندن
ادعا اولنسی اوزرینه محکمه مذکور جه تکرار
جریان ایدن محاکمه و تدقیقاتده اولجه صادر اولان
اعلام استینافی ظهورنده محرر صلحنامه موجبجه
طریقده تقدیر ایدیلان ایکیوز التمش و مصارف
محاکمه ایچون دخی اوچیوز قرق سکر غروشکه
جمعاً التیوز سکر غروشک مزبور ابراهیم اوسته
طرفندن مدعیلره ویرلش اولمسيله طرفین
یکدیگرینی مذکور طریق حقنده کی دعویله
ابرا ایدرک بر کونا علاقه لری قالمش اولدینی
محکمه جه جلب ایدیلان اشخاص معلومه نک افاده لری
و طرفینک وقوعبولان اقرار لرله تحقق و تبیین
ایتمش و مدعیلرک اشبو دعوی اقامیه و صلح
مذکور کوری رده سبب اتخاذ ایله کاری حال ايسه
ذکر اولنان محلدن کندولرینه اوتوز غروش
بدل ایله بیع ایدیلان محکک تسلیم ایدلماسی
قضیه سی اولوب حال بو که بوراسنک دخی ذاتاً
مسدود بر محلی اولیوب اچقده اولمسيله برابر
عقد صلح صره سنده متولی حضور یله ارايه

مرقومه جه بر منوال محرر صلح واقعک معتبر
عدیله حکم اعطاسی قانونه مفایر و مستدعیلرک
اعتراضی موافق نفس الامر اولدیقه بناءً اصول
محاکمه حقوقیه قانوننک ایکیوز اوتوز ایکنجی
ماده سی موجبجه اعلام مذکورک تفضیله قانون
مزبورک ایکیوز قرق دردنجی ماده سی حکمنه
توفیقاً کیفیتک یکیدن بالرؤیه اعلامه ربطی
ضمننده محکمه مذکوریه اعاده سنه وزیرده مفرداتی
محرر ایکیوز یکر می اوچ بیج غروش مصارف
تمیزیه نک ایلروده حقسنر چیقہ جق طرفه رجوع
ایتمک اوزره اول امرده مستدعیلردن التمسینه
۱۱ تموز سنه ۱۳۱۳ تاریخنده متفقاً قرار ویرلدی .

اعلام مذکورک خلاصه مآلی مزبور صراف
رفت افندیکن بر قطعه سند موجبجه مومی
ایله سلیمان افندی ذمتنده الاجبی اولان بش بیک
غروشک تحصیلی حکمنی حاوی ایکنجی محکمه
تجارتدن استحصالی ایدلیکی اعلام غیابی حکمنه
عدم قضاغله مومی ایله سلیمان افندی طرفندن
اعتراض علی الحکم عر فحالی اعطا و بردرجیه
قدروجاهاً محاکمه اجرا اولدینی حالد اخیراً تعیین
قلنس کونده معترض مومی الیهک اجابت
ایتمامسی جهتیه سالف الذکر اعتراض عر فحالتک
ردینه حکمدن و مستدعی تمیز سلیمان افندیکن
اشبو حکم علیهنده لایحه سنده محرر اعتراضاتک
باشلوجه سی درجه اولی محکمه سنجه اخیراً تعیین

اسکدارده دیونچیلر محله سنده مالی زقاغنده
اوتوز اوچ نومرولی خانه ده ساکن باب سره

قلنان يوم محاکمه دن اصولاً جلبنامه تبليقيه
خيردار ايدلمكسزین اعتراض عرضخالنك ردینه
قرار ویرلمسی مخالف قانون اولدیغندن بخله
اعلامك نقضی ولايحه جوابیه مؤداسی دخی تمیزاً
درمیان ایدیلان اعتراضاتك غیر وارد اولدیغنی
بیانیله ردی و اعلام مذکورك تصدیق طلبندن
عبارت بولمیشدر .

ایجابی مذاکره اولدوقده اعلام مذکور
مندرجاتندن مفهم اولدیغنه کوره مستند ادعا
اولان سندك فائض مقاولهسنی حاوی اولسنه
ومدعی علیه سلیمان افندیك صنف تجارندن بولما.
مسئله نظراً دعواى واقعك حل وحسمی
محاکم حقوقیه هاند تجارت محكمهسك وظیفه
سندن خارج بولمش ایکن ایکنجی تجارت
محكمهسنجه وظیفه خارجنده دعوانك رؤیتی
مقایر قانون اولدیغنه بناءً اصول محاکمه حقوقیه
قانونك ایکوز قرق برنجی مادهسی موجبجه
اعلام مذکورك نقضنه وایکوز قرق اوچنجی
مادهسی حکمه توفیقاً کیفیتك هاند اولدیغنی
حقوق محكمهسنه حوالهسنه وزیرده مفرداتی محرر
اوج یوزطقسان سکز یجق غروش مصارف
تمیزهك ایلروده حقمنز چقهحق طرفه رجوع

ایتمك اوزره اول امرده مستدعی تمیز سلیمان
افندیك النمسنه ۱۸ حزیران سنه ۳۱۳ تاریخنده
منفقاً قرار ویرلدى .

کسندیره قضاسنه تابع ایزدور قریهسی
اهالیسندن دیمتری یوان ایله قضاء مذکور کوره تابع
لاریفو قریهسنده مقیم اصحاب املاکدن اشتریمه
طناش بیتنده متحدث دعوايه دائر سالانیک
بدايت محكمهسندن استینافاً ویریلان ۶ کانون
ثانی سنه ۳۱۱ تاریخلی والتش بش عددلی اعلامك
تمیزی مرقوم دیمتری یوان طرفسندن استندما
ایدلمکله اعلام مذکور کور یالکز مستدعینك اعتراض
لایحهسیله بالمطالعہ تدقیقات تمیزیه اجراسنه
ابتدار اولندی .

اعلام مذکورك خلاصه مآلی مرقوم اشتریمه

طناشك ایزدور وقرغانجی قریهلری اهالیسندن
بعضیلرینك اورمان ادارهسندن استحصا
ایلد کلری مأذونیت اوزرینه کندی قریهلرینك
میری اورمانلرندن قطع ایله کندوسنه بیع
ایتد کلری ایکی بیک بشیوز یوک رادهلرنده
کراسته ایله بیک سکسان عدد تخمه وسکز یوز
چفت الای طاقمی ایزدور قریهسی اهالیسك ظنیله
مرقوم دیمتری یوان اهالی مرقومه ذمتنده
بااعلام محکوم به الاجفك تأمین استیفاسیچون
تحت جزء التمش اولدیغندن بخله جز موضوعك
فکئی طلب ودعوی التمش ایسهده مذکور
کراستهلرک ایزدور قریهسی اهالیسی طرفلرندن
قطع ایدیلهرک انلرک مالی اولدیغنی لدی الاستعلام
محلی اورمان مأمورلغندن وارد اولان جوابنامه
مندرجاتیله ثابت اولسنه بناءً مرقوم اشتریمه
طناشك رد ادعاسنه دائر بدایه کسندیره محكمه
سندن صادر اولان حکمنك عندالاستیناف محكمه
ابتدائیة اثناسنده حاجت مال دینیلان قریه
اهالیلرندن دخی حاضر بولندیریلهرق افادهلرینك
استماع قلنمسی مقتضی ایکن جلب واستماع
قلناهلری سینه بناءً فسخیله اهالی مرقومهك
دخی حاضر بولندیریلهرق قانون دائرهسنده

تشکیل طرفین ایدیلهرک کیفیتك یکدن رؤیت
اولنق اوزره کسندیر بدایت محكمهسنه اعادهسنه
حکمن و مستدعی تمیز یوانك اشبوقرارعلیهنده
لایحهسنده محرر باشلوجه اعتراضی اعلام ابتدائینك
فسخنندن صکره دعوانك استیناف محكمهسنجه
رؤیتی مقتضی ایکن بدایت محكمهسنه اعادهسنه
حکم ایدلمسی مخالف قانون اولدیغندن بخله اعلامك
نقضی استدعاسندن عبارت بولمیشدر .

ایجابی لدی المذاکره اعلام مذکور مطا .
لهسندن مفهم اولدیغنی اوزره کسندیره بدایت
محكمهسنجه اتخاذ اولنان قرارك عند الاستیناف
اسباب قانونیه مبنی فسخیله اکال نواقصی
ضمننده بدایت محكمهسنه اعادهسنه قرار ویرلمش ایسهده
اصول محاکمه حقوقیه قانونك یوز طقسان
یدنجی مادهسك فقره اخیرهسنده محرر اولدیغنی
اوزره بومقوله بدایه ویریلوب استینافاً نواقص
قانونیه دن طولانی فسخته لزوم کوریلان اعلامانك
استیناف محكمهسنجه فسخی حالتده اساس دعوانك
استیناف محكمهسنجه یکدن رؤیت ایدلمسی لازم
کلور ایکن سالانیک بدایت محكمهسنجه بویولده
معامله ایدیلهرک کیفیتك بدایت محكمهسنه اعادهسنه
قرار ویرلمسی اصول وقانونه مقایر و مستدعی

تمیزك بالاده محرر اعتراضی بوجهته متدائر
اوله رق موافق نفس الامر کورلدیکنه بناء
اصول محاکمه حقوقیه قانونک ایکوز اونوز
ایکینجی ماده سی موجبجه اعلام مذ کورک
نقضیه قانون مذ کورک ایکوز قرق دردیجی
ماده سی حکمنه توفیقاً کیفیتک صورت مشروحه
دائرهنده بالرؤیه اعلامه ربطی ضمننده محاکمه
مذ کوره به اعاده سنه وزیرده مفرداتی مرقم
اوجوز اون سکر بیجی غروش مصارف
تمیزیه نک ایلروده حقسز چیه جق طرفه رجوع
ایتمک اوزره اول امرده مستدعی تمیزدن
السنه ۱۴ ایلول سنه ۳۱۲ تاریخنده متفقاً قرار
ویرلدی .

قیصریه تجارت محکمه سندن ۲۰ مارت سنه
۳۰۹ تاریخی وبش عددی ایله ویریلان اعلامک

تمیزنی استدعا ایدن قیصریه نک افکره قریه سنده
ساکن بقوص صولاقیان ایله مذ کور قریه نک
اشاغی محله سنده مقیم کرقور آرہ کایان یوم
معینده دائرہ به کلدکری کبی جواب لایحه سی
دخی کوندردلیدیکندن یالکز مستدعینک لایحه
اعتراضیه سی بالمطالعہ تدقیقات تمیزیه اجرا سنه
ابتدار قلندی .

اعلام مذ کورک خلاصه مالی مرقوم بقوصک
صغر شر کتندن طولایی مرقوم کرقور ذمتنده
ازغیر تسلیم قصور الاجبی اولدینی رؤیت اولنان
محاسبه لری نتیجه سنده تحققی ایدن یکریمی بش
بیجی لیرانک مع فائض و مصارف محاکمه تحصیلی
طلب وادعا ایتسنه قارشو مدعی علیه مرقوم
کرقور دخی خصمی مرقومک بیان وادعا ایتکده
اولدینی شرکتی انکار ایله مدعینک ادعاسی سندو
اوراق مثبتہ ایلہ اثبات ایتسی مدافعه درمیان ومدعی
مرقوم دخی ادعای واقع بش بیک غروشدن دون
بولدینی جهتله شهود شخصیه ایلہ اثباتنه مقتدر
اوله مدینی صورتده طالب تحلیف اولدینی بسط
واتیان ایلعلری اوزرینه اولبابده اجرا قلئان
محاکمه و تدقیقات نتیجه سنده دعوی واقع درت
یوز کسور لیرالق صغر اخذ واعطاسندن تولد

ایلمش اولسنه وشر کت مذ کورہ نک ایسه
مدعی علیه طرفندن انکار ایدلسنه بناء اصول
محاکمه حقوقیه قانونک سکسانجی ماده سی
موجبجه مدعی مرقومک عند المحاکمه اقامه
شهود حقنده درمیان ایلدیک ادعاسی غیر وارد
اولدینی کبی شرکتک دخی اصولاً ثابت
اوله مامسی جهتله مدعی علیه کرقوره یمین توجه
ایتمه جکندن مدعی بقوص افانک دعوی مذ کوره
سنگ ردینہ حکمدن واشبو حکم علیهنده
مستدعینک لایحه سنده محرر خلاصه اعتراضی
هر مدعی دعواسنی قانون دائره سنده اثبات ایدہ مدیکی
صورتده خصمنه بریمین تکلیفنه حتی اوله جفی
در کارایکن محکمه جه بوجهت نظر دفته التامسی
مغایر قانون اولدیفندن بخنله اعلامک نقضی
استدعاسندن عبارت بولمشددر .

ایجابی لدی المذاکرہ اعلام مذ کور مألندن
مستفاد اولدینی اوزره محکمه مذ کورده مدعی
مرقوم دعواسنی اصولی دائره سنده سنداً اثبات
ایدہ مدیکی جهتله مدعی علیه یمین توجه ایتمه
چکنه بناء مدعینک رد ادعاسنه قرار ویرلمش
ایسه ده هر مدعی دعواسنی قانون دائره سنده اثبات
ایدہ مدیکی صورتده خصمنه یمین تکلیفنه حتی

در کار ایکن محکمه مذ کوره جه اصول محاکمه
حقوقیه قانونک سکسانجی ماده سنه یا کلش
معنا ویرهرک برمنوال محرر حکم وقرار ویرلسی
مخالف قانون اولدیفندن اصول محاکمه حقوقیه
قانونک ایکوز اونوز ایکینجی ماده سی موجبجه
اعلام مذ کورک نقضیه قانون مزبورک ایکوز
قرق بشنجی ماده سی حکمنه توفیقاً کیفیتک بالرؤیه
اعلامه ربطی ضمننده محکمه مذ کوره به اعاده سنه
وزیرده مفرداتی مرقم اوج یوز طقسان یدی
بیجی غروش مصارف تمیزیه نک ایلروده حقسز
چیه جق طرفه رجوع ایتمک اوزره اول امرده
مستدعین استیفاسنه ۲۴ کانون ثانی سنه ۳۱۱
تاریخنده متفقاً قرار ویرلدی .

بیروت تجارت محکمه سندن ۲۴ کانون ثانی

سنه ۳۰۹ تاریخی و طقسان بر عددی ایل و بریلان
اعلامک تمیزینی استدعا ایدن جبل لبنانده چونیه
قصه سنده مقیم شکری نصر افندی يوم معینه
دائرة به کلیوب مدعی علیه بیرونده مقیم تجارتدن
خواجه نهرا و کیلی اسکندر طراد افندی ورود
ایتمش اولدیفندن و کیل مومی الیهک ایضاحات
شفاهیه سی استماع قلندر ق تدقیقات تمیزیه اجرا سنه
ابتدار اولندی .

اعلام مذکورک خلاصه مآلی مرقوم
خواجه نهرا نک مزبور شکری نصر ذمتنده
برقطعه قامیال موجینجه الاجتی اولان ایکی بیک
اوچوز غروشک تأدیه سندن امتناع اتمکده
اولدیفندن بختله مبلغ مذکورک مع فائض تحصیلی
طلب و دعوی و مذکور قامیالی ابراز و اعطا
ایتمی و مزبور شکری نصر افندی نک دعوت
اجابت ایتماسی اوزرینه و کیل مسخر حضوریه
اجرا قلنان محاکمه و تدقیقات نتیجه سنده مذکور
قامیال بدلی اولان ایکی بیک اوچوز غروشک
پروستو تاریخندن اعتباراً گذشته سیله برابر
تحصیلنه دائر و بریلان اعلام غیابی علیه سنده مزبور
خواجه نهرا طرفندن اعتراض علی الحکم استدعاسی
اعطاسیله حکم غیابینک فسخنی ادعا ایتمش ایسه ده
اخیراً تعیین قلنان کونده معترض مرقومک

کلامش اولدیفندن اعتراض استدعاسنک ردیله
اعلام غیابینک تصدیقنه حکمدن و اشبهو حکم
علیه سنده مستدعی تمیز شکری نصر افندی نک
لا یجیه سنده محرز باشلوجه اعتراضی تعیین قلنان
کونده و کیلی اثبات وجود ایتمش اولوب انجق
هیئت حکمه نک اول کون تشکل اتمیه چکی جوابی
المسیله دعوتنه انتظاراً بالانصراف مؤخر امراجعت
ایلد کده غیاباً حکم اولندی جوابی اعطاسیله
اولدیفندن و مبرز سند کندوسنک اولوب
اولدیفنک اثبات ایتدیرلامسی زیرنده کی مهر
انکار اولتمش ایکن اولیاده تطبیق خط و خاتم
اصولنه توفیق معامله ایدلامسی مقابر قانون
اولدیفندن بختله اعلامک نقضی استدعاسندن و مدعی
علیه و کیلی اسکندر طراد افندی نک نتیجه
جوابی دخی اعتراضات مسروده نک واهی و بی
اساس اولدینی بیانیله ردی و اعلامک تصدیق
طلبندن عبارت بولمیشدر .

ماوردی وار

اعلان

اجرا اولنق اوزره التمش بر کون مدته موقع
مزایده قونلیدیفندن طالب اولنلرک ودها زیاده
معلومات المقت استیسانلرک مذکور ملک و کدک
دکانک قیمت تخمینه و تحریریه سی اولان التمش
بیک غروشک یوزده اونی نسبتنده پی ایچ لری
مستصحباً دفتر خاقانی نظارت جلیله سی سندات اداره
عمومیه سنه مراجعت ایتملی اعلان اولنور .

۱۷ کانون ثانی سنه ۳۱۳

لنفه کیرجوارنده ایسه نک و چاقراقا محله لرنده
میراخور حامی و سلطان جامی زقاغنده یتیمش
و یتیمش ایکی و سکسان اوچ نومرولر ایله مرقم
اولوب تبعه دولت علیه نک روم ملتندن تجارتدن
قرمان اوغلی یانی عهده سنده اولدینی حالده
مقدمه بایند رسمی یدی یوز یکرمی بش عدد
ایرای عثمانی دینی مقابله و کالت دوریه ایل
اوستریا دولتی تبعه سندن بارون برنولد بور
عهده سنده بولنان معلوم الحدود و المشتملات بر باب
کراستهی د کافی ملک و کدکی مدت معینه نک
مرور ایلدیکی حالده تسویه دین اولنماسندن ناشی
داین مومی الیهک و کیلی دعوی و کیلرندن
قسط کی طرفندن وقوع بولان استدعا اوزرینه
اصول و نظامی موجینجه تاریخ اعلاندن اعتباراً
قرق بش کون مرورنده احاله اولیه سی و اندن
صکرده اون بش کون ظرفنده یوزده بش ضعی
قبول ایدیلرک ختام مدتده احاله قطعی سی

عدد

۳ مصلق آینه طاشی

۱ اوچ پارچه استاوروزلی مزار طاشی

۱ بش پارچه استاوروزلی مزار طاشی

۱ بش پارچه استاوروزلی مزار طاشی

۱ کوفه کی قیو طابانی

شرعیہ اجراء اثرہ سنیدن اعلان اولنور .

۱۰ کانون ثانی سنہ ۳۱۳

- ۱ کوفہ کی قبو بیلہ کی
- ۲ فرنگی تکیہ
- ۱ گوشہ تکیہ سی
- ۱ یدی پارچہ مزار یہودی صندوقہ سی
- ۱ پٹی یہودی مزار طاسی
- ۱ بولاشق تکیہ سی
- ۷ زراع ایکوز یتیمش ایکی بچی برقم خام
- طاش دوشمہ
- ۳۶ یکرمی بٹش زراع تکیہ وابصہ ماق وانکک
- طاش

متوفی محمد طارف افندی ورثہ سنک طاشچی
اصنافدن یوان ذمتہ بااعلام شرعی الاجنی اولان
مبالغ معلومہ نک تأمین استیفاسی ضمنتہ
مدیون مومی الیہک کندی مالی اولوب تحت
جزہ النمش اولان وبالادہ جنس وعددی
کوستریلان ایشلنمش وایشلنمش اون اوچ قلم
طاشک اشبو تاریخ اعلاندن اعتباراً اوچ کون صکرہ
یعنی اشبو کانون ثانی نک اون دردنجی چہارشنبہ
کونی ساعت یدی بچقدن صکرہ بلاطدہ طاشجیلرہ
واقع مدیون مومی الیہک عرصہ سی درونندہ
بالمزایدہ فروخت اولہ جنی درسعادت اعلامات

جامعی باشی زاده سعادتلو اسماعیل حقیک
افندی نک بااعلام نظامی عزتلو سرکر طاشجیان
افندی یہ اولان دیندنطولای مرهون وفروختی
محکوم الاجہ حمام جوارندہ چلی اوغلی علاء
الدین محلہ سنندہ سلطان حامی جادہ سنندہ واقع
مقدما تحتندہ مغازہ لری مشتمل تخمیناً ایکوز
طقسان اتی ارشوندن عبارت الیوم محترق عرصہ
داخلندہ قرق سکر نومرولی ودروندہ کدک
مستقر دکانک یالکر ملک نک اتی حصہ دن
بر حصہ سیلہ الی وسقالر چشمہ سی زقاغندہ یکرمی
اوچ ومکرر یکرمی اوچ نومرولرہ مرقم بلاکدک
محلک وسلطان حامی جادہ سنندہ تخمیناً قرق

ارشون عرصہ اوزرینہ مبنی فوقندہ براوطہ بی
حاوی قرق درت وتخمیناً الی یدی ارشون
عرصہ اوزرینہ مبنی فوقندہ براوطہ بی حاوی
ذوالجہتین قرق اتی نومرولرہ مرقم ایکی باب
مغازہ نک سکر حصہ دن برر حصہ نک تاریخ
اعلاندن اعتباراً اون بش کون صکرہ بالمزایدہ
فروختہ تشبث اولہ جنی درسعادت اعلامات نظامیہ
اجرا دائرہ سنیدن اعلان اولنور .

۱۰ کانون ثانی سنہ ۳۱۳

۱۲ کانون ثانی سنہ ۳۱۳

باغچوان یور کینک بااعلام نظامی یوان
ذمتہ محکوم بہ مطلوب نک تأمین استیفاسی چون
مدیون مرقومک سید عمر محلہ سنندہ کوچک
حمام جادہ سنندہ واقع تخمیناً ایکوز ارشون عرصہ
اوزرینہ مبنی فوقانی وحتانی بش اوطہ ومطبخ
والتی یوز ارشون مقداری باغچہ ومشمولات
سائرہ بی حاوی الی درت نومرولی وسکر سهم
اعتباری براب خانہ دہ کی اوچ حصہ سیلہ جیوی
زادہ محلہ سنندہ جامع شریف زقاغندہ واقع تخمیناً
قرق اتی بیک درت یوز سکسان ارشون وسعی

اسرائیلک میکہ بک ذمتہ قاسم پاشا
محکمہ سنیدن ویریلان اعلام شرعی موجبہ
الاجقاری اولان مبالغ معلومہ نک تأمین استیفاسی
ضمنندہ مدیون مومی الیہک مشترکاً عہدہ سنندہ
بولسان اورتہ کویدہ یالی زقاغندہ واقع یوز
اون اتی نومرولیہ مرقم برقطہ عرصہ دہ کی

فروخته بالرضا موافقت ایلدیکی قوری چشمه ده
قیو جاده سنده اون واون ایکی واون درت واون
سکر نومرولرله مرقم اون یدی باب اوطه
واوچ عدد مطبخ و برجیچک صوبه لئی و برلیمو
نلنی و تخمیناً اتی دوئم مقداری باغچه و برتیور
دولابی و چند باب طاش او جاقلری ایله او جاقیلرک
اقامته مخصوص متعدد اوطه یی و برصانلنی و اوچ
باب اخوری و تخمیناً اوتوز بش دوئم مقداری
ترلای احتوا ایدر منازلک تامی تاریخدن اعتباراً
اون بش کون صکره بالمزایده فروخته تشبث
اولنه جی درسمادت اعلامات نظامیه اجرا
دائرة سندن اعلان اولنور .

۲۲ کانون ثانی سنه ۳۱۳

و بر باغچوان قله سیله براخور و صمانلنی و بر
بوستان قیوسیه مشتملات سائرینی حاوی
بر نومرولی و یوز یکریمی سهم اعتبارلی بر باب
بوستانک ملک و کد کنک قرق بش سهم
حصه سی التمش بر کون مدته بالمزایده لیرا یوز
غروش حسابیه مذکور خانه حصه سی درت
بیک بشیموز و بوستان حصه سی او نبریک غروش
بدل ایله طالبلری عهده سنده تقرر ایتمکله یوزده
بش ضمیمه طالب اولنلرک و معلومات الموق استیانلرک
تاریخ اعلاندن اعتباراً اوتوز بر کونه قدر
درسمادت اعلامات نظامیه اجرا دائره سنه مراجعت
ایلملری اعلان اولنور .

۱۳ کانون ثانی سنه ۳۱۳

عقلو فاطمه خانمک بااعلام نظامی بشمار
ناطمان افندی ذمتده محکوم به مطلوبی اولان
مبالغک تأمین استیفاسیچون مدیون مومی الیهک

بدستانی حسین اغانک عباده خلوصی افندی

ذمتده بااعلام محکوم به الاجفی اولان معلوم المقدار
مبالغک تأمین استیفاسیچون مرهون اولوب
فروختی محکوم بولنان بر چفت الماس کوبه نک
تاریخ اعلاندن اعتباراً اوچ کون صکره چارشوی
کیرده تخمین دکاننده بالمزایده فروخت اولنه
جفتدن طالب اولنلرک ایام مذکورده کتبخدا
دکانه مراجعت ایلملری درسمادت اعلامات
نظامیه اجرا دائره سندن اعلان اولنور .

۱۴ رمضان سنه ۳۱۵

۲۴ کانون ثانی سنه ۳۱۳

عقارتجی اوغلی قسطنینک درسمادت بدایت
محکمه سی برنجی حقوق دائره سندن اعطا قلنان

اعلام موجبجه طومه و برادری نیقوله ذمتده
الاجفی اولان معلوم المقدار مبالغک تأمین
استیفاسیچون مرهون و فروختی محکوم بولنان
چارشوی کیر خارجنده اسکدار بوغازی نام
محلده کائن اون نومرو ایله مرقم طاش خان
دیمکله معروف بر باب میکنده دروننده موجود
کدک تعبیر اولنور الات لازمه نک یوز یکریمی
سهم اعتباریه مورثلری غلکی عهده سنده بولنان
بش عدد سهمدن مدیون مرقومانک بر ایچه
اوتوز یدی بقی حصاری التمش بر کون اجرا
قلنان مزایده نتیجه سنده لیرا یوز غروشندن
بیک اوچیوز غروشده و صالحه طرفندن عتیق
علی پاشا محله سنده واقع یدی نومرولو بر باب
شریخته خانه نک یوز یکریمی سهم اعتباریه
مورثلری مدیون عهده سنده بولنان اون ایکی
بقی ایچه اوچ بولدن مرقومانک اوچر ایچه بر
پول حصاری لیرا یوز غروشندن طالبلری
عهده سنده تقرر ایلمش اولدیفندن یوزده بش
ضمیمه طالب اولنلرک ودها زیاده معلومات الموق
استیانلرک تاریخ اعلاندن اعتباراً اوتوز بر کونه
قدر درسمادت اعلامات نظامیه اجرا دائره سنه

مراجعت ایلملری اعلان اولنور .

۸ کانون اول سنه ۳۱۳

غلطه ده حویار خاننده سا کن دللال سیمو-
تاکینک غلطه ده ایمان داتره سی جوارنده بلا
نومرو مغازه ده سا کن سفائن لوازمائی بخارندن
لیفور ولد نیقوله ییدیس علیهنه اقامه ایلدیکی فک
جز دعواسندن طولانی مرقوم لغورک تهمین
اولسان اقامتگاهنه علی الاصول ورقة دعوتیه
ارسال قلنمش ایسه ده مرقومک محل اقامتندن
غیوبت ایلدیکی والیوم اقامتگاهنک مجهول بولند
ینی محله سی جانبندن اخبار ایلمک صورتیه
تحقق ایتمش اولمندن نامی اصول محاکات
حقوقیه قانوننک یکریمی التبعی ماده سی حکمنه
توفیقاً مرقوم حقنده معامله اجراسی قرارلشدیلهرق
موجبجه دعوانک اوچوز اون اوچ سنه سی

کانون اولنک یکریمی کونی رؤیت اولنه چی
وکلدیکی حالده معامله غیاییه اجرا قلنه چی وراق
حوادثله نشر واعلان قلنمش ویوم مذ کورده
مدعی مرقوم سیمونا کی گلش ایسه ده مدعی علیه
مرقوم کلامش اولدینه مبنی بر موجب قرار
مدعینک وقوعبولان طلبته بناء دعوائی مذ کورده یی
وکیل مسخر تعیین قلنان عباد افندی مواجهه
سندمه بالتدقیق اولیابده جزک فککنه غیاباً قرار
ویرلمش واولیابده صادر اولان اعلامک برصورت
مصدقه سی قانون مذ کورک ماده مذ کورده سی
حکمنه توفیقاً داتره دیوانخانه سنه تعلیق قلندینی
کی برصورتیده وراق حوادثله نشر واعلان
ایلمک صورتیه معاملات تبلیغیه اجرا قلنمشدر .

۱۷ کانون ثانی سنه ۳۱۳

(مطبعة حاضرده طبع اولنمشدر)